

四明叢書

張宗祥



純德彙編卷二

六十世孫華鈞重訂

本傳

六世祖純德徵君傳

有序

華鈞

先徵君事始見於會稽典錄其次則唐刺史崔公修廟碑文蓋唐宋以前可考見者惟此而已迨南宋乾道閒始創圖經嗣是寶慶中爲四明志若元若明若國朝代各有志志各有徵君傳而鄞慈兩邑志暨本支宗譜及司理何公所纂

廟志無弗輝煌典冊大書詳書顧其閒典錄最
簡崔碑亦略而乾道寶慶諸家未免擇之不精
致相刺謬是用彼此參考另成本傳一篇而備
錄諸傳附以辨說庶使閱者展卷了然

徵君諱黯字叔達又字孝治

見樓宣獻碑記及延祐志

漢江都相諱

仲舒六世孫

見寶慶志及崔樓二碑

江都家本廣川徙茂陵

見班氏漢

書

至徵君曾祖遷會稽世爲句章人

見崔碑及董氏舊譜

生建武

中家貧少孤力學事母黃氏

見舊譜

盡孝採薪供養甘泉

美味奔獻於母母甚肥悅

見延祐志

比鄰王寄者富而不孝

王母見徵君母曰我衣食頗足而瘠且弱母不吾若而

肥且健何也母曰吾雖貧賴黯盡孝故心常泰而健耳

見舊譜王母歸諭其子冀有感悟而寄乃懷忿伺孝子

出毆母成疾見正德慈谿志徵君歸負杖跪牀下曰黯不孝貽

母憂乎曰非也我失言致王寄辱耳竟不起見成化志徵君

哀毀負土葬之思復大慙以寄母在不忍見成化志廬

於墓枕戈日夜哀號淚積成潭樹有羣鳥感其聲飛鳴

翔繞不置見崔碑及鄴志已而王母卒既葬徵君乃斬寄首祭

於母墓爲文告之見元人世德錄及成化志并母墓碑而自囚以詣有司

和帝表其異行遣考工令邱霖釋專殺罪召拜議郎固

辭尋以郎中徵亦不起年八十終

見孝子紀事本末及世德錄并舊譜配

周氏子緒亦名裕

見孝子紀事本末

至宋祥符元年錫號純德

徵君

見樓記及乾道圖經寶慶志成化志

明洪武二年封爲漢孝子之神

邑故漢之句章其改慈溪也始於房太尉瑄初徵君母

寢疾思飲大隱水大隱母家也而董世居闕湖之溪相

去幾三十里徵君時奉母就養或母不能往則遠汲不

辭瘁旣舍旁泉涌成渠味如大隱里人共神徵君之孝

徵君曰是吾母之慈所感也遂名其水曰慈溪唐開元

中房公宰句章遷治於闕湖之南遂以慈溪名縣

志乘

附

南宋乾道四明圖經 孝宗朝明州州將張津纂

張津以乾道三年五月由右朝散大夫直祕閣

主管沿海制置司公事駐明州作四明圖經蓋

郡志所始也

董黯字叔達句章人生後漢時家貧少孤事母盡孝甘
泉美味奔獻於母母甚肥悅比舍有王寄者富而不孝
二母各言其子寄聞而銜之伺黯出苦毆其母致死黯

飲痛不言母既葬斬寄首以祭母墓自囚告於有司和
帝釋其罪召爲郎不就以壽終初黯母寢疾喜飲大隱
溪水得不以時於是築室溪傍以便日汲厥疾用瘳

鈞按圖經古舊極矣此傳破損模糊幾半爲摘樓宣
獻記所述行略補之然觀字眼分明處與樓文絕不
爽可知宣獻所述的是圖經原文也又宣獻所述尙
有屋側泉涌數語而圖經於此處頗清楚且樓記有
傳記圖經參考之句則此數語或採之傳記中故不
敢增入若圖經純孝廟董母墓及慈縣等條更難識

認幸李孝謙四明文獻錄全載之得錄置後卷 李
孝謙鄞人明洪武時以行誼博學著

宋寶慶四明志敘人 理宗朝慶元判府事胡桀
纂

胡桀以兵部尙書兼沿海制置使知慶元府寶
慶三年輯四明志二十一卷命錄事參軍廬陵
羅瓘取圖經訂成之

董黯字叔達仲舒六世孫也事母孝母疾嗜句章溪水
遠不能常致黯遂築室溪濱板輿就養厥疾乃痊比鄰

王寄之母以風寄寄忌之伺黯出尋其母黯恨入骨母死慟深切枕戈不言一日斬寄首以祭母自白於官奏聞和帝召釋其罪且旌異行召拜郎官不就由是以慈名溪以董孝名鄉吳虞翻稱之云盡心色養喪致其哀單身林野鳥獸歸懷怨親之辱白日報仇海內聞名昭然光著今子城東南有廟舊志謂卽其故居則黯本鄣人也虞翻謂爲句章人據其徙居慈溪言之

鈞按吾郡於漢爲鄣鄣句章三縣本秦置也漢之鄣今爲奉化鄣卽鄣邑句章則慈溪也虞翻謂句章董

黯其言最確漢詔故居立祠蓋在慈地此乃云子城
東南有廟卽故居則黯本鄆人虞翻謂句章據徙居
言之豈知子城東南當別是一廟舊志云廟卽故居
乃指慈廟言而謂徵君鄆人誤矣且遷就其說而謂
虞翻以徙居言抑又舛矣或曰子城東南之廟卽今
靈橋門外七塔寺卽補陀寺西之廟蓋靈橋門實處鄆縣
東南其說頗合然終非故居也

元延祐四明志人物 仁宗朝侍講學士鄆人袁
桷纂

袁桷字伯長號清容居士用薦入國史院歷直
學士凡三十年乃歸翰墨極海內卒贈江浙行
中書參知政事護軍爵陳郡公諡文清

董黯字叔達一字孝治會稽句章人生後漢時家貧少
孤事母盡孝採薪供養甘果美味奔獻於母母甚肥悅
比舍有王寄者富而不孝二母各言其子寄聞而銜之
伺黯出苦辱其母黯恐貽母憂默而不言母旣葬斬寄
首以祭母墓自囚以告有司和帝釋其罪召爲郎中不
就以壽終句章今之鄞縣也黯母嘗寢疾喜飲大隱溪

水不以時得於是築室溪傍以便日汲厥疾用瘳溪在縣南一舍故以慈名溪以溪名縣母反葬於鄞

鈞按此以徵君爲會稽句章人是已而曰句章今之鄞縣則誤甚蓋慈溪於漢爲句章地其治向在城山據漢書地志云句章渠水東入海宋志亦云句章面江爲邑俱與城山形勢最合今縣志載城山渡之東有句章城址本越王句踐所築卽漢治所也若圖經云句章城在鄞縣南六十里小溪者緣東晉安帝末海賊孫恩入寇句章城爲所殘始改築於小溪鎮宋

齊梁陳皆因之至隋開皇中合鄆鄆句章兼餘姚爲一邑曰句章仍治小溪迨唐武德初析句章還餘姚舊地置姚州以句章鄆鄆地爲鄆州遷治三江口卽今府城尋復改鄆縣後建立明州復移治於此故今鄆之小溪名句章鄉亦有句章城乃晉隋來治所豈得謂漢之句章哉且寶慶志雖誤徵君鄆人猶以鄆爲鄆句章爲慈不相混也此顧混淆爲一而直指小溪卽漢句章不徒滋一番刺謬乎善乎聞氏鄆志曰縣南小溪他山之左乃隋句章城若漢城址在慈溪

城山渡東語最分明雍正府志與前成化嘉靖暨明
初黃潤玉簡要志並同則袁清容之疏彰彰矣又此
志言其母反葬於鄞云反葬者亦誤認鄞人之故耳
其以大隱爲慈溪益誤說見後卷 後總管王元恭
於至正二年輯四明續志與延祐志並刻其續志中
孝子傳與此不相遠故不錄

明成化寧波府志孝行傳 憲宗時郡博士楊實
纂

楊實正統辛酉舉人授安城訓導先是郡志自

王元恭續修後已百有餘年成化初郡守孝感
張瓚與實纂成十卷

董黯字叔達鄞人漢江都相仲舒之六世孫家貧早失
怙事母盡孝母病嗜大隱溪水遠不能常致黯築室溪
濱板輿就養厥疾用瘳鄰王寄家甚富縱酒無行二母
相見各言其子寄聞而銜之伺黯出毆其母黯還而母
在牀黯跪而言曰黯不孝及母之憂乎曰非也我之
失言致王寄之辱耳後竟不起黯哀毀負土旣葬廬於
墓枕戈不言俟王母卒畢葬事乃斬寄首祭母墓自囚

以告有司事聞和帝詔釋其罪且旌其異行召拜郎中
不就而卒由是以慈名溪以溪名縣吳虞翻稱之云盡
心色養喪致其哀單身林野鳥獸歸懷怨親之辱白日
報仇海內聞名昭然光著宋祥符閒錫號純德徵君建
炎初邑令林叔豹立祠慶元二年令朱堂倡祀之國朝
洪武四年封爲董孝子之神命有司每歲六月六日用
剛蠶致祭今郡城南有廟卽其故居

鈞按此云鄞人蓋沿舊志之誤其林朱二公皆慈令
非鄞令也其立祠倡祀爲慈廟非在郡也其洪武加

封係二年非四年也俱誤宜正又郡城南有廟卽故居句玩其文似指廬墓之處而推其意實指治南之廟亦宜訂之 後鄆尙書張時徹以嘉靖三十九年修府志爲四十二卷郡守曹秉仁於雍正九年再修凡三十六卷其嘉靖雍正兩志孝子傳俱依此舛誤亦同雍正志但不載虞翻贊語耳又推官何士晉於萬曆三十五年創孝子廟志所述孝子本傳一仍府志原文皆不贅錄

明正德慈谿縣志孝行傳 武宗時參政邑人周